

續仙傳卷中

朝請郎前行陳水縣令沈汾編

隱化一十二人

孫思邈

孫思邈京兆華原人也七歲就學日誦千言

及長盛談莊老百家之說周宣帝時以王室多事隱於太白山學道鍊氣養形求度世之術洞曉天文推步精究醫藥審察聲色迥蘊仁慈凡所舉動務行陰德用心自固濟物為功偶出路行見人欲殺小青蛇已傷血出思邈求其人脫衣購而救之以藥封裹放於草間後月餘復出行見一白衣少年僕馬甚盛下馬迎拜思邈謝言小第蒙道者所救父母欲相見而思邈每以藥救人極廣聞之不以為意少年復懇拜請以別馬載思邈偕行如飛到一城郭花木正春景色和媚門庭煥赫人物繁盛儼若王者之居少年延思邈入見一人端美白帽絳衣侍從甚眾欣喜相接謝思邈曰深思道者固遣兒子相迎前者小兒偶出忽為愚人所傷賴脫衣贖救獲全其

命此中血屬非少共感再生之恩今面道者榮幸足矣俄頃延思邈入若官閣內見中年女子頰一青衣小兒出再三拜謝思邈言此兒癡騷為人傷損賴救免害思邈省記嘗救殺青蛇即訝此何所也又見左右皆闈人官

妓呼恰帽為若王呼女子為妃子思邈心異之潛問左右曰此涇陽水府也恰帽乃命賓寮設酒饌妓樂以宴思邈辭以辟穀服氣唯飲酒耳留連三日問思邈所欲對曰居山樂道思真鍊神目雖所窺心固無欲乃以輕綃珠金贈於思邈堅辭不受曰道者不以此為意耶何以相報遂命其子取龍宮所頒藥方三十首與思邈謂曰此真道者可以濟世救人俄復命僕馬送思邈歸山深自為異歷試諸方皆若神效後著千金方三十卷散龍宮之方在其內又以聲色誘人之疾著脉經一卷皆盛行於世隋文帝輔政徵為國子博士不就嘗謂人曰過此五十年當有聖人出吾方助之以濟生人唐太宗召諸京師訝其容貌甚少歎曰故知有道者誠可尊重義門之

徒虛言哉將授以爵位固辭不受高宗初召拜諫議大夫復固辭不受時年九十餘視聽不衰范陽盧照鄰有盛名而染惡疾嗟粟受之不同昧逸天之殊致問於思邈曰名醫愈疾其道如何對曰吾聞善言天者必質於

人善言人者必本於天有四時五行寒暑迭代其轉運也和而為雨怒而為風熒而為霜雪張而為虹蜺此天地之常數也人有四支五藏一覺一寐呼吸吐納瀆而為往來流而為榮衛彰而為氣色發而為音聲此人之常數也陽用其精陰用其形天人之所同也及其失也蒸則生熱否則生寒結而為癆瘵陷而為癰疽奔而為喘之竭而為焦枯診發手而變動乎形推此以及天地則亦如之故五緯盈縮星辰失度日月錯行彗孛流飛此天地之危疾也寒暑不時此天地之蒸否也石立木踣此天地之疢贅也山崩地陷此天地之癰疽也奔風暴雨此天地之喘乏也雨澤不時川原涸竭此天地之焦枯也良醫導之以藥石救之以針劑聖人和之以道德輔

之以人事故體有可念之疾天地有可錯之災又曰膽欲大而心欲小智欲圓而行欲方詩曰如臨深淵如履薄冰謂小心也赴赴武夫公侯干城謂大膽也不為利回不為義疚仁之方也見機而不俟終日智之圓也其文學也顯出其義術也不可勝紀高宗初無可制授承務郎致之高藥局不就永徽二年二月十五日晨起沐浴儼其衣冠端然而坐謂子孫曰我為世人所逼隱於洞府修鍊料昇無何之鄉臣於金闕不能應召求往俄氣絕遺令薄葬不設盟器牲牢之奠月餘顏色不變舉屍入棺如空衣焉已尸解矣

張果

張果隱於常州條山往來汾晉間時人傳有長年秘術者老云為兒童時見之自言數百歲矣唐太宗高宗累徵之不起則天召之出山伴死於妬女廟前時方盛夏須臾鬼爛生蟲聞於則天信其死矣後有人於常州山中復見之開元二十三年玄宗召通事舍人裴晤馳驛於常州迎果對晤氣絕而死晤乃焚

香啓請宣天子求道之意俄頃漸蘇時不敢逼馳還奏之乃命中書舍人徐燾通事舍人盧重玄齋齋書迎之果隨燾到東都於集賢院安置肩輿入官備加禮敬公卿皆往拜謁或問以方外之事皆詭對每云余是堯時丙

子年人時莫能測也又云堯時為侍中善於胎息累日不食時進美酒及三黃元玄宗留之內殿賜之酒辭以山臣飲不過二升有一弟子可飲一斗玄宗聞之喜命召之俄一小道士自殿簷飛下年可十六七美姿容奇趣雅澹應對言詞清爽禮貌臻謹明皇命坐果曰弟子嘗侍立於側未宜賜坐明皇日之愈喜遂賜之酒飲及一斗不醉果辭曰不可更賜過度必有所失致龍顏一笑耳明皇又遍賜之酒忽從頂湧出冠于爆地化為一桂明

皇及嬪御皆笑驚視之但見一金棹在地覆之棹底一斗驗之乃集賢院中棹也累試仙術不可窮此遂下詔曰常州張果先生遊方之外者也跡仙高尚心入杳冥是混光塵應召城闕莫知甲子之數且謂羲皇上人聞以

道樞盡會玄極今則將命鶴書之禮爰旌輝熵之流可銀青光祿大夫仍賜號通玄先生果陳老病乞歸常州賜絹三百疋并隨侍弟子二人兼給驛驛到常州弟子一人相隨入山天寶初明皇又遣特詔果聞之忽卒弟子葬之後發棺空棺而已

許宣平

許宣平新安歙人也睿宗景雲中隱於城陽山南塢結菴以居不知其服餌但見不食類若四十許人行疾奔馬時或負薪以賣常掛一花瓢及曲竹杖每醉騰騰以歸獨吟曰負薪朝出賣沽酒日西歸路人莫問歸何處穿白雲行入翠微爾來三十餘年或濟人艱危或扶人疾苦城市之人多訪之不見但觀菴壁題詩云隱居三十載築室南山巔靜夜翫明月關朝飲碧泉燕人歌隴上谷鳥戲巖前樂矣不知老都忘甲子年好事多諫其詩抵長安者於驛路洛陽同華間傳舍是處題之天寶中李白自翰林出東遊經傳舍覽詩吟之嗟歎此仙人詩也乃詰之於人得宣平之

實白於是遊及新安涉溪登山累訪之不得乃題其蒼壁曰我吟傳舍詩來訪真人居煙巖迷高跡雲崖隔太虛窺庭但蕭索倚杖空躊躇應化遼天鶴歸當千載餘是冬野火燎其菴莫知宣平蹤跡百餘年後咸通七年郡人許明奴家嫗常逐伴入山採樵獨於南山中見一人獨坐石上方食桃甚大問嫗曰汝許明奴家人也我明奴之祖宣平也嫗言常聞已得仙多年汝歸為我語明奴言我在此山中與汝一桃食之不可將出山中虎狼甚多山神惜此桃嫗乃食桃甚美頌之而盡宣平遣嫗隨樵人歸家言之明奴之族甚異傳聞於郡人其後嫗憎食日漸重顏輕健愈常中和年以來兵荒相繼居人不安明奴徙家避難入山不歸令人採樵或有見其妣身衣藤行疾如飛逐之昇林木而去

劉商

劉商彭城人也家於長安少好學讀記精思攻文有胡笳十八拍盛行於世兒童婦女咸悉誦之進士擢第歷臺省為郎性耽道術逢

道士即師資之鍊丹服氣靡不動功每數光景甚促筋骸漸衰朝馳暮止但自勞苦浮榮世宦何益於己古賢皆隨官以求道多得度世幸畢婚嫁不為俗累豈劣於許遠遊哉於是病免官入道東遊及廣陵於城街逢一道士賣藥聚眾極多所買藥人言頗有靈效眾中見商目之甚相異乃罷賣藥攜手登樓以酒為勸道士所談自秦漢歷代事皆如目覩商驚異師敬之復言神仙道術不可得也及暮商歸僑止道士下樓問然不是商益訝之

商翌日又於街中訪之道士仍賣藥見商愈喜復挈上酒樓劇談歡醉出一小藥囊贈商并戲吟曰無事到揚州相携上酒樓藥囊為贈別千載更何求商記其吟暮乃別去後商累尋之不復見也商乃問囊視之重重紙裏一菊盧得九粒藥如麻粟大依道士口訣吞之頓覺神爽不飢身輕醒然過江遊茅山久之復往義興張公洞當春之時愛翠畫溪之景遂於胡父諸葺居隱於山中近樵者猶有見之我劉郎中也而莫知其所止已為地仙

矣

劉瞻

劉瞻字小字宜哥瞻兄也瞻家貧好道嘗有道士經其家見瞻異之問知道否曰知之性饒俗氣業應未淨遠可羅學道士曰能相師乎瞻曰何敢於是師事之道士命瞻山樓求道無必巾裹瞻遂了角布衣隨道士入羅浮山瞻與瞻俱讀書為文而瞻性唯高尚瞻情慕榮達瞻嘗謂瞻曰鄙必不第則還於山野尔得第則勞於塵俗竟不及於鄙也然慎於富貴四十年後當驗矣瞻曰神仙遐遠難求秦皇漢武非不區區也蘇廟咫尺易致焉周張嘉貞可以繼踵矣自後瞻愈精思於道乃隱於羅浮瞻以進士登科會昌七年及第屢歷清顯及昇輔相頗著愛調之稱俄被請南行次廣州朝臺泊舟江濱忽有了角布衣少年衝幕而來衣履不濕欲見瞻左右皆訝乃語之但言宜哥來也以白瞻問形狀具以對瞻驚歎乃迎入見之瞻顏貌可二十來瞻已喘然衰朽方為逐臣悲喜不勝瞻後勉之與

尔為兄弟手足所痛。曩日之言。今四十年矣。瞻益感歎。謂暗曰。可復修之否。暗曰。身邀榮寵。職和陰陽。用心動靜。能無損乎。自非弟家阿兄。已昇天仙。詎能救尔。今惟來相別。非來相救也。遂同舟行。話平生隔濶之事。一夕失。暗所在。今羅浮山中。時有見者。瞻遂南適。歿於貶所矣。

羅萬象

羅萬象不知何許人。有文學。明天文。洞精於易。節操奇特。布衣遊行天下。居王屋山。久之。後南遊羅浮山。歎曰。此未明洞天。葛稚川曾棲此。以鍊丹。今雖無鄧嶽。相留。聊自駐泊矣。於是愛石樓之景。乃於山下結菴。以居。常餌黃精。服氣數十年。或出遊。曾城泉山。布水下。採藥。及入福廣城市。賣藥。飲酒。來往無定。忽一食。則十數人之食不足。或不食。則莫知歲月。光悅輕健。日行三四百里。緩行奔馬。莫及。後却歸石樓。菴中竟不復出。隱於山中。後不知其所往矣。

李珣

李珣。廣陵江陽人也。世居城市。販雜自業。而珣性迥端謹。異於常輩。年十五。隨父販糴。父適他行。以珣專其事。人有糴之與糴。珣即投之以升斗。俾令自量。不計時之貴賤。一斗只求兩文利。以資父母。歲月既深。衣物甚豐。父怪而問之。具以實對。父曰。吾之所業。同流者眾。無不用出入升斗。出輕入重。以窺厚利。雖官司以春秋較推。然終莫斷其弊。吾早悟之。但一升斗出入。皆用之。自以為無偏久矣。汝今更出入任之。自量。吾不可及也。然衣食豐給。豈非神明之助也。後父母歿。世及珣。年八十餘。不改其業。適李珣出相。節制淮南。而珣以新節。使同姓名。極以自驚。乃改名寬。李珣下車後。數月。修道齋。次夜。夢入洞府。中見景色。正春。煙花爛熳。翔鸞舞鶴。彩雲瑞霞。樓閣連延。珣獨步。其下見石壁。光瑩。填金書字。列人姓名。內有李珣。字長二尺餘。珣視之。極喜。自謂生於明代。久歷顯官。又昇宰輔。能無功德。及於天下。今洞府有名我仙人也。再三為喜。方喜之際。有二仙童。自石壁左右出。珣問

此何所也。曰。華陽洞天。此姓名非相公也。珣驚復問。非珣何人也。仙童曰。此相公江陽部民也。珣及曉。歷記前事。益自驚歎。問於道士。無有知者。復思。試召江陽官屬。詰之。亦莫知也。乃令府城內外。求訪同姓名者。數日。經營里巷。相推。乃得李寬。舊名。及聞於珣。乃以車舉迎之。入府。致淨室。齋沐。拜為道兄。一家敬事。朝夕參禮。李寬情素恬澹。貌秀異。鬚長尺餘。皓然可愛。年六十時。曾有道者。教其胎息。亦久不食。珣念敬之。及月餘。乃問道兄。平生得何道術。服鍊何藥。珣曾夢入洞府。見石壁姓名。仙童所指。是以迎請。師事。願以相授。辭以不知道術。服鍊之事。珣復虔拜。以問寬。所修如何。寬以愚民。不知所修。遂具販糴以對。珣再三審問。答嗟曰。此常人之難事。除功不可及也。復曰。乃知世之富貴動靜。有損雖在貧賤。用心獲祐。名書仙籍。以警塵俗。又問胎息不食之由。亦以實對。珣曰。師其胎息後。李寬一百餘歲。輕健異常。忽告子孫曰。吾寄世多年。雖然養氣。亦無益。汝輩一夕而卒。

三日棺裂聲視之衣帶不解如蟬蛻焉已尸解矣

王可交

王可交蘇州崑山人也以耕釣自業居於松江南趙屯村年三十餘莫知其道常取大魚自喜以槌擊殺之搗蒜齏以食常謂樂無以及一旦棹漁舟方鼓柁高歌入江行數里間忽見一綠畫花舫漾於中流有道士七人皆少年玉冠霞帔服色各異侍從十餘人鬃角雲鬟又四人黃冠乘舫一人呼可交姓名方驚異不覺漁舟已近舫側一道士令鬃角引可交上舫見七人面前各有青玉盤酒器果子皆瑩徹有光可交莫識有女妓十餘人悉持樂器可交遠立於筵之末徧拜七人共視可交一人曰好骨相合有仙分生於凡賤間已多破矣一與酒與侍者瀉酒於樽中酒香三瀉之不出侍者具以告道士曰酒之靈物必若得入口當換其骨瀉之不出亦乃命也一人曰與栗喫俄有一人於筵中取二栗侍者送與可交令喫視之其栗青赤光如栗

長二寸許齧之有核非人間之栗內脆而甘久之食方盡一人曰王可交已見之矣可令去命一黃衣送上岸乃於舫邊覓所乘漁舟不見黃衣曰不必漁舟但合眼自到於是合眼若風水林木浩浩之聲令開眼已到及開眼失黃衣所在但見峯巒重疊松栢參天生於路中石上及望見有門樓人出入俄頃採樵者并僧十餘人到問可交何人可交具以前事對又問何日離家可交曰今日早離家又問今日是何日是三月三日樵者與僧驚曰今日是九月九日去三月三日已半年餘可交問此地是何所僧曰此是天台山瀑布寺前也又問此去華亭多少地僧曰水陸千餘里可交自訝不已為僧邀歸寺設食可交但言飽不喜聞食氣唯飲水耳衆僧審問極異之乃以狀白唐興縣以達台州聞於廉使王泚泚素奉道召見極以為非常之事神仙變化不可測也可交身長七尺餘儀貌殊異言語清爽泚歎曰此誠真人也又以同姓益敬之飾以道服而遣人往蘇州以詰所貫具

言可交三月三日乘漁舟入江不歸家人尋得漁舟謂恐墮水而死妻子已招魂葬矣王泚具以奏聞詔稱其異後可交却歸鄉里備詰歷歷及與鄉人到江上指所逢花舫之處依然可交食粟之後已絕穀動靜若有神助不復耕釣乃挈妻子往四明山二十餘年復出明州賣藥使人沽酒得錢但施於人時言藥則虛公所授酒則餘杭阿母相傳藥極祛疾酒甚醉人明州里巷皆言王仙人藥酒世間不及道俗多圖其形像有患痞及邪魅者圖於其側即愈後三十餘年却入四明山不復出今人時見者

李昇

李昇字雲舉自言江夏人唐德宗甲午年生幼而聰悟及長博通羣書能文機捷出口成章為性高古師於少室山道士學鍊氣養形之術常布衣遊行天下時元稹廉察浙東白居易出牧錢塘以昇舊友皆慕昇之文學道術遊至於賓席間問昇生當太甲之世何不就榮祿而久為布衣對曰不為世徵徵亦不

乾乃徐吟曰生在儒家遇太平玄練重滯布衣輕誰能世路趨名利臣事玉皇歸上清元與白奇之以詩酒延留歲餘復去他遊莫知所之僖宗庚子歲黃巢犯關之後天下騷然唯江左稍安宛陵主帥田頰常好道術而昇五十年前宛陵有耆老為童稚時識之言狀貌不改於當時人甚異之田頰乃延之師教益厚光澤輕健若四十餘許人鬚髮甚黑目瞳且方牙齒尖銳如排棗核好喫石蓮須史咬一升皆作兩截人不可學飲酒二斗不醉絕穀養氣雪中單衣而顏益紅白時引中指指燈火餘若隨風所吹不知其服餌人問其道術長生之事皆矯詞以對忽告人曰我厭此世兵革紛紛不如去矣時昭宗為朱全忠所篡昇聞而不平翌日俄氣絕顏色不變舉之籠棺空衣耳已年一百四十七歲矣未月餘間田頰兵敗禍及昇已先覺而去亦嘗言之於人咸思之聖人也後累有人於蜀中見之

葉千韶

葉千韶字魯聰洪州建昌人少事師西山道士許吳二真君道術辟穀服氣嘗獨居山中忽大風雷雨電有一白衣人拜千韶言君道德臻備仙籍褒昇當在人間役使鬼神更顯功績今神人將降君可以見之無所畏也於是千韶焚香拱默以坐俄頃雲中有遠遊赤衣真官一人降又神將十餘人皆帶劍佩龍虎符部從鬼神甚眾有二黃衣綠衣吏各執簿一卷神將皆列拜千韶真官謂千韶曰天命授君此簿神將吏兵幸備役使以救世人千韶拜授天書捧其簿閱之若人間兵籍也吏掌其簿書請召即應命自後長嘯則風生林壑噴水則雨流原野掃地則雷鳴輓轆手畫空則電光燦人乃遊行天下若狂常醉騰騰於城市間忽驅叱似振威人問之何為如此應之曰我見某處火災某處亢旱使兩故之耳人皆覆之實有其驗或經過郡縣逢早皆請教之千韶乃備香案設祝須臾降雨人有請致雷者脚踏地便鳴從地底發輓轆聲或苦雨祈晴不應乃請千韶止之遂作術

便晴霧冬中或早祈雪千韶乃單衣跣足立於日中嘯詠俄頃風雲會合降雪連宵又以符救人疾苦不俟人之求請見疾者無不憫而救之有邪魅者聞千韶之名自愈得符者終身不復更發咸通十一年遊及濠州聞刺史劉昉忽中風垂死名醫莫療千韶策杖入州曰感我此來使君再生矣於是書符三道貼於肩膊腿曰驅風從脚出三日當愈風果颺颺從脚心出三日平復如故昉博通文學素好道術歷官得郡善政及人乃謂實吏昉平生師道忽中暴風遽感聖人以相救療董奉還士變之鬼庶可伴矣實道力之所報也郡人皆神於千韶昉乃迎之於郡齋欲師事厚以金帛謝之千韶遽捨昉而去尋之無蹤後荆襄間人見詰濠州事而笑十餘年却隱於西山今人時有見之者

徐鈞者

徐鈞者不知其名自稱東海蓬萊鄉人也言談清爽皆引子史捷而能文每自吟曰曾見秦皇架石橋海神忙迫漲驚潮蓬萊隔海雖

難到直上三清却不通常腰懸一葫蘆掉扁舟泛於鄂渚上及三湘下經五湖每將魚就松江市井博酒與人吟話而去垂白好事者言識之數十年矣而顏貌不改人或戲留之約名目斤數釣魚須臾得魚如其約人皆異之及見人有疾即葫蘆內取藥救之其藥如麻粟大不許人服食唯以酒研塗心腹間其疾便愈無不神驗人有問之藥可服食否曰可祇是入口便憎飯去好道者服其藥一粒十年絕食而常須飲酒喫水暢之顏益紅白齒髮不衰得其藥者甚多壽皆八九十廬山錢朗果服其藥極得長年今江湖漁人時有見者逐之舟去如飛不可近乃是水仙也

錢朗

錢朗字內光洪州南昌人也少居西山讀書迥為精儒勤苦節操五經登科累歷世宦清直著稱所履皆有遺愛時論美之唐文宗朝為南安都副使後為光祿卿歸隱廬山情潔好道師於東嶽道士得補腦還元服鍊長生之術昭宗世錢塘彭城王錢鏐慕朗得道長

年乃迎就錢塘師敬之勤切時朗已一百五十餘歲童顏輕健玄孫數人皆以明經進身仕為宰輔已皓首矣而朗猶如稚穉之子錢鏐通傳秘術朗駐泊錢塘二十餘年忽一日告別言我處世多年適為上清所召今須去矣俄氣絕數日顏色怡暢如生異香滿室舉之就棺已為尸解玄孫謂人曰吾之高祖年一百七十歲矣

續仙傳卷中

續仙傳卷下

海十 朝請郎前行深水縣令沈汾編

隱化八人

司馬承禎

司馬承禎字子微博學能文攻篆迥為一體號曰金剪刀書隱於天台山玉霄峯自號白雲子有服餌之術唐則天累徵不起睿宗雅尚道教屢加尊異承禎方赴召睿宗問陰陽術數之事承禎對曰老子經云損之又損以至於無為且心目所見知每損之尚未能已。豈復攻乎異端而增智慮哉睿宗曰理身無為則清高矣理國無為如之何對曰國猶身也老子云留心於澹氣合於漠順物自然乃無私焉而天下理易曰聖人者與天地合其德是知天不言而信不為而成無為之管理國之要也睿宗深賞異留之欲加寵位固辭無何告歸山乃賜養寶琴花帳以遺之公卿多賦詩送之常侍徐彥伯撮其美者二十餘篇為製序名曰白雲記見傳於世盧藏用早隱終南山後登朝若果實見承禎將還天台